

## Wi en di yaa sad ahn hapi

Dis da di laas Fraideh, Disemba 27, eena 2024. Wi hoap evribadi mi gat wahn Krismos ful a pees ahn jai ahn nais nais food ahn famili ahn faamli. Wi hoap evribadi mi memba dat Jeezas da di reezn fi di seezn. Wi hoap dat evribadi mi memba fi gi tanks tu Faada Gaad. Wee eena di Kriol Langwij Groop en di yaa sad sad bowt sohn membaz wi laas—aal di Kriol Kongsl faamli dehn---ahn speshali too persn weh mi-di help wi tu di nohmoh nohmoh wid di sekan edishan a di Kriol-Inglish dikshineri, wich di geh laanch eena erli 2025:

### Wi aana:

**Miz GERALDINE TILLET**

Wayk op: Febiweri 15, 1955

Wayk op ded: Disemba 18, 2024

**Mista Paul Crosbie**

Wayk op: Janiweri 18, 1948

Wayk op ded: Disemba 1, 2024

Wi mis dehn soh soh moch. **Miz Ger** (az wi mi kaal ahn) da-mi wahn lang lang-taim sopoata a evriting fi du wid big op di Kriol langwij, di Kriol raitn sistim, ahn wid Bileez. In fak, shee da-mi wan a di valantyyaa teeche dehn eena di 2011 akshan risaach weh mi shoa how wen di pikni dehn valyu dehn Kriol langwij, ahn wen dehn noa bowt Kriol langwij roolz, how ih help mek dehn yooz Inglish beta. **Mista Paul Crosbie** da-mi di cheef edita a di fos edishan a di Kriol-Inglish/English-Kriol dikshineri weh mi laanch eena 2007. Hihn kantinyu werk wid wi az edita op tu wen Faada Gaad kaal ahn hoam. Gaad bles dehn famili ahn faamli. Dehn werk wahn liv aan eena 2025 ahn way way intu di fyoocha.

-----